

GOUVERNEMENT
DE LA REPUBLIQUE
DE VANUATU

MINISTERE DE L'EDUCATION ET DE
LA FORMATION

DIRECTEUR GENERAL
Sac De Courier Privé 028
Port Vila, Vanuatu
Tel : 22309
Email : ibergmans@vanuatu.gov.vu



GOVERNMENT
OF THE REPUBLIC
OF VANUATU

MINISTRY OF EDUCATION AND
TRAINING

DIRECTOR GENERAL
Private Mail Bag 028
Port Vila, Vanuatu
Tel : 22309
Email : ibergmans@vanuatu.gov.vu

MEDIA STETMEN

Anaonsmen Blong Ministri Blong Edukesen mo Trening blong saptom toktok blong Praem Minista Folem Desisen namba 13 blong Kaonsel Blong ol Minista.

Folem toktok blong Honorabol Praem Minista long Fraedei namba 10 long manis Eprel 2020 follem Kaonsel Blong ol Minista desisen, mi stap mekem anaonsmen ia i go long everi peren, gadien, studen, skul, mo ol edukesen otoriti long kaontri.

Kaonsel Blong ol Minista hemi apruvum blong ol skul long Shefa mo Tafea provins oli save statem nomol skul operesen blong olgeta bakegen long Tusdei namba 14 Eprel 2020, be oli mas mekem sua blong kipim gudfala haejin praktis mo fisikal distensing.

Ministri blong Edukesen mo Trening hemi stap mekem ol anaonsmen ia:

1. Evri skul kaonsel, prinsipol mo administresen, ol tija mo ol narafala staf blong Shefa mo Tafea provins oli mas priperem ol skul blong olgeta blong save statem ol nomol klas.
2. Hemia nao ol samting we evri skul kaonsel, prinsipol mo administresen, ol tija mo ol narafala staf blong Shefa mo Tafea provins oli mas mekem bifo oli statem skul bakegen:

- a. Mekem rere wan plan blong hao nao bae oli save manejem helt mo haejin mo fisikol distensing.
 - b. Folem situesen blong COVID-19, plan ia bae hemi kavremap ol tingting ia:
 - i. Disinfeksen blong ol skul bilding evridei.
 - ii. Arenjmen blong ol alternativ klas blong ol klas we I gat fulap pikinini blong manejem fisikol distensing.
 - iii. Hao nao bae skul hemi monitarem ol pikinini evridei.
 - iv. Mekem gud ples blong wasem han.
 - v. Provaedem sop long ol ples blong wasem han.
 - c. Wan wan skul administresen bae hemi mekem sua se lening blong pikinini hemi kontinyu.
 - d. Ministri blong Edukesen mo Trening i stap givim taem long ol skul, stat long Tusdei namba 14 Eprel 2020 kasem Fraedei namba 17 Eprel 2020 blong oli komplitim plan ya blong skul i stat long Mandei namba 20 Eprel 2020.
3. Ministri blong Edukesen mo Trening hemi wantem infomem yumi evriwan se hemi stap developem wan standad Homskul Pakej, blong mekem rere sipos i gat wan kes blong Koronavaeres long Vanuatu o eni narafala disasta long fiuja.
 4. Long saed blong ol pikinini we oli stap stadi ovasi, Ministri blong Edukesen mo Trening hemi stap wok wetem wan wan institusen, ol hae komisena mo Ministri blong Foren Afea.
 5. Ministri blong Edukesen mo Trening i stap wok wetem OGCIIO blong oli save karem ditel infomesen long ol damej long skul we TC Harold hemi mekem blong givhan long olgeta skul.

6. Ministri blong Edukesen mo Trening hemi stap wok watem ol Provinsol Edukesen Ofis blong oli karemaot asesmen blong givhan long welfea blong ol tija mo staff.
7. Las tok, Ministri blong Edukesen mo Trening hemi givim asiurens long populesen blong Vanuatu se no mata long eni disasta, lening blong pikinini hemi kontinyu nomo. Yumi mas sapotem lening blong ol pikinini oltaem.

Ministri blong Edukesen mo Trening hemi wantem apil long pipol blong Vanuatu long yumi kontintyu blong PREA from situesen we kaontri blong yumi hemi stap go tru long hem.



Iati Bergmans

Direkta Jenerol

